

光緒重修安徽通志

重修安徽通志卷二百十四

人物志

忠節 十三

潁州府

周伍員字子胥潁之乾谿人父奢爲楚平王所殺員走入吳闔廬既刺王僚召伍員爲行人以謀楚魯定公四年與楚戰柏舉楚師敗遂入郢吳有內亂遂歸闔廬死夫差立敗越於夫椒越厚幣請和員諫不聽太宰嚭譏之夫差乃賜之屬鏹之劍遂自到死

史記本傳

晉曹攄字彥遠譙人祖肇魏衛將軍攄少有孝行好學善屬文王衍見而器之補臨淄令妻孝婦冤歲終開獄出死囚剋日令還至日畢來無違者一縣號曰聖君齊王問輔政攄爲記

室戒以居高慮危在盈思冲不納果敗惠帝末爲襄城太守永嘉二年流賊王道寇掠城邑高密王簡遣參軍崔曠討之令曠督護曠性奸凶譎據而戰期爲後繼旣而不至攄獨與道戰於鄆縣軍敗死之故吏百姓奔喪會葬號哭卽路如赴父母焉晉書

本傳

丁穆字彥遠譙人積功封眞定侯爲順陽太守太元四年苻堅寇順陽穆戰敗被執至長安不肯仕堅傾國南寇穆與關中人士倡義謀襲長安事泄遇害陣死作表以付其妻周氏周後詣關上之孝武帝下詔傷悼贈龍驤將軍雍州刺史晉書本傳

宋呂祉字安老建州建陽人

晉書志作霍邱人

宣和初上舍釋褐建炎

二年爲右正言歷知建康府祉到官作東南防守利便三卷上之紹興七年以兵部尙書節制淮西統制鄭瓊叛降於劉豫擁

祉至三埵距淮三十里祉下馬曰劉豫逆臣我豈可見之眾逼

祉上馬祉罵曰死則死於此耳遂遇害時有得祉括髮之帛歸

吳中者其妻吳氏持帛自縊

宋史本傳

孫暉霍邱人靖康之亂團結淮民保護鄉井擢招信尉建炎三

年金人陷泗將渡淮暉率民兵禦之相持半日金以疑兵擊暉

自上流渡城陷死於敕書樓

宋史本傳

牛富霍邱人制置司遊擊砦兵籍勇而知義爲侍衛馬軍司統

制戍襄陽移守樊城累戰不少衄數射書襄陽城中遺呂文煥

相與固守兩城凡六年不拔富力居多城破富率死士百人巷

戰殺傷不可計渴飲血水轉戰前遇民居燒絕街道身被重傷

以頭觸柱赴火死贈靜江軍節度使謚忠烈賜廟建康

宋史本傳

蕭明哲字元甫太和人少舉進士文天祥開府汀州辟充督幹

架閣監軍師出嶺明哲以贛縣明義復萬安連結諸砦拒守兵

敗被執不屈死於隆興宋史鄭

劉士昭太和人嘗為鉞工與鄉人同謀復太和縣事敗以指血

書帛云生為宋人死為宋鬼赤心報國一死而已因以其帛自

縊死其黨有王士敏者題其裙曰此生無復望生還一死都歸

談笑閒大地盡為腥血汚好收吾骨首陽山臨刑歎曰恨吾病

失聲不能大罵耳宋史本傳

元李冕潁州人黼之兄也至正辛卯劉福通亂以紅巾為號流

劫鄉市冕率眾拒之被執罵賊死其季子秉昭從其叔黼死於

九江初武昌陷黼謂子秉方曰我國之守臣當死此土汝可奉

母往下江依伯父以存吾後秉方不肯行秉昭力勸之秉方乃

去不半月而黼死節比秉方至冕已死義於鄉元史李黼傳

李黼字子威冕之弟父守中官工部尙書黼泰定四年賜進士
第一授翰林修撰至正十年出爲江州路總管斬黃盜起上攻
守之策於行省請兵屯江北以扼賊衝不報歎曰吾不知死所
矣十二年徐壽輝陷武昌其將丁普郎來寇郡黼大敗之遂北
還謂其下曰賊不利於陸必由水攻乃設七星椿以長木數千
冒鐵錐於杪暗植沒岸水中會西南風急賊果揚帆至遇椿不
得動爲黼火箭所射焚溺無算已而賊勢轉盛黼提戢旅中
外援絕賊遂薄城焚門而入巷戰不支揮劍叱賊曰殺我毋殺
百姓賊刺之墮馬與從子秉昭俱死贈隴西郡公諡文忠立廟
江州賜額崇烈官其子秉方集賢待制

元史本傳

察罕帖木兒字廷瑞沈邱人至元十一年盜發汝潁江淮諸郡
俱陷察罕奮義起兵破羅山大敗賊於虎牢授達魯噶齊又破

淮右掠汴賊三十萬晉兵部尙書賊陷商州察罕長驅而前與戰輒勝授陝西行省左丞山東賊犯京畿徵兵入衛察罕赴召擊賊走之河東悉平安豐賊劉福通據汴梁察罕攻破之拜河南行省平章政事以田豐據山東久遣書諭以順逆豐及王士誠皆降而陰圖叛請察罕行觀營壘及至豐營竟爲王士誠所刺計聞帝震悼追封潁川王諡忠襄

元史本傳

舊志云沈邱元時以地省入潁州故錄之按唐析項城置沈邱宋元因之皆在今河南陳州府沈邱縣東南三十里非今潁州地則察罕不得爲今潁州人特沿潁州府志收入察罕因及擴廓而曲爲之說似未深考

曹彥可亳州人當妖寇起里中無賴子揭帛於竿羣趨彥可家劫之使寫旗彥可辭乃迫以刃彥可唾曰我儒者惟知有君父

豈爲汝寫旗耶賊怒見殺諡節愍

元史類編

擴廓帖木兒本王姓小字保保察罕帖木兒甥也養以爲子順
帝賜名擴廓帖木兒察罕被刺卽軍中拜如察罕官帥兵圍益
都穴地而入執田豐王士誠剖其心以祭察罕又以討孛羅平
內難功封河南王明兵偏大都順帝北走擴廓入援不及大敗
明師於韓店後爲徐達常遇春所敗北走擁兵塞上又奔和林
順帝崩太子復任以國事明祖復遣徐達李文忠馮勝等分道
出塞至嶺北與擴廓遇大敗明兵自是不復出塞其後擴廓從
其主徙金山卒於哈刺那海之衙庭妻毛氏亦自經時洪武八
年也初太祖屢遣使通好不答旣出塞復招諭不應太祖以是
愈心敬之

明史本傳

明李傑壽州人

舊唐書壽州人

從渡江有功任廣武衛指揮僉事北

征歿於陣洪武十七年九月孝慈皇后服除冊封其女爲淑妃

攝六宮事

明史后妃傳

李恂字恪如亳州人洪武初舉人擢兵科給事遷吏科交趾叛

帥師入蜀建文遜國遂不返永樂敕諭召之卽自縊死

潁州府志

梁文潁州衛指揮同知正德七年流寇圍潁上文率軍迎擊於

蓮花鋪奮勇前登所向披靡已而賊眾大至圍之數重眾寡不

敵力戰死之詔加優恤以其子安國爲指揮

江南通志

張琥太和人嘉靖癸未王堂作亂琥率其子姓數人應募赴戰

時鳳翔徐陳宿亳歸德官軍列爲七陣賊先犯鳳諸軍皆亂遂

潰琥遇害

潁州府志

晉紳字習之霍邱人嘉靖己丑進士授南京刑部主事改御史

薛宗鎧劾太宰汪鋐鋐抗辯極詆宗鎧紳上疏言鋐一經論劾

輒肆中傷諍臣杜口蔽塞言路罪莫大帝罷鉉官又惡狎諍臣
杜口之語杖闕下狎垂斃且曰臣言已行臣死何恨神色不變
隆慶初追贈太常少卿諡忠節

明史馮恩傳

張鶴鳴字元平潁州人萬曆丙戌進士授歷城縣知縣歷官貴
州巡撫大破紅苗追剿猺坪賊首老蜡雞威名甚著遷兵部右
侍郎總督陝西三邊軍務未上轉左侍郎臥疾家園未赴天啟
元年始履任論平苗功進本部尙書又謝病歸六年起爲南京
工部尙書尋以安邦彥未減改兵部總督貴州四川雲南湖廣
廣西軍務事未就莊烈帝嗣位言官論其前事予告歸崇禎八
年流賊陷潁州執鶴鳴倒懸於樹罵賊死年八十五

明史本傳

張鶴騰字元漢鶴鳴弟也萬曆乙未進士授潞城縣知縣調榆
次歲饑煮粥散給投藥施棺收育棄嬰後皆以張爲姓累官雲

南副使行誼鵠篤過於其兄請告同里流寇至與兄鶴鳴督戰
守禦城陷死之鶴鳴長子大同字同甫見父叔死伏尸大慟罵
賊而死合家男女殉難者十餘人

明史張鶴鳴傳
江南通志

國朝乾隆四十一年鶴騰

賜諡烈愍大同

賜祀忠義祠

勝朝殉節
諸臣錄

田之穎潁州人官中書舍人城陷與同州黃巖知縣劉道達光
祿寺署正李生白夔州府訓導丁嘉遇舉人郭三杰諸生韓光
祖等皆死之光祖進士獻策父也被執賊捽使跪叱曰吾生平
讀書只知忠義遂大罵賊殺之妻武氏並一妹一女及獻策妻
李氏皆赴井死妾李氏方有娠剖腹剔胎死次子定策孫日曦
皆罵賊死

明史尹
夢龍傳

國朝乾隆四十一年田之穎李生白劉道建並

賜諡節愍丁嘉遇郭三杰韓光祖定策日曦並

賜祀忠義祠

勝朝殉節諸臣錄

李從師潁州人官潁州衛指揮潁州衛隸河南流賊至與同州
潁州衛指揮僉事王廷俊千戶孫升田三震百戶羅元慶田得
民王之麟俱乘城戰死

明史尹夢龍傳

國朝乾隆四十一年李從師王廷俊並

賜諡節愍孫升田三震羅元慶田得民王之麟並

賜祀忠義祠

勝朝殉節諸臣錄

李元白潁州人官光祿寺署丞城陷與妻王氏同殉節同州楊

南者曾官會甯知縣亦不屈死

江南通志

國朝乾隆四十一年並

賜謚節愍

勝朝殉節諸臣錄

劉廷傳字惟中潁州諸生布政使九光之從子也萬厯末楊應龍反播州調兵及潁潁兵不願行將殺護行尉爲亂廷傳攜酒脯至郭外與之雜坐勉以立功且爲保任其家室兵得不亂崇禎八年流寇至城北有高樓瞰城中廷傳請於州欲先據之而所統皆市人不可用賊遂據樓以攻城陷廷傳亟還家拜祖廟促家人入井而危坐待賊遂遇害

明史尹夢龍傳潁州府志

劉廷石字洞甫廷傳從弟九光之子也賊至廷石分守西城中賊刃未絕口授友人方略令繕牘上當事旋卒

明史尹夢龍傳

甯儉字堯光潁州貢生散家財募戰士得二百人寇薄城命子印昌率之出南城禦敵賊轉北城據高樓以攻城陷儉與妻楊氏端坐罵賊而死幼孫龍亦殉焉

江南通志

白精忠潁州舉人賊至母袁氏遣之行不忍去遂遇害

明史張清雅傳

張維寅潁州諸生城陷以護母被害

江南通志

劉大濟字汝楫潁州諸生城陷自投城西七里河而死鄉人私謚曰節愼先生時同州紳士同死者潁州衛百戶田之振前所百戶汪檀候選經歷汪邦弼貢生李茂叢楊得坤生員李維紀妻趙氏一家十八口投井死王致志同妻唐氏死又同時殉難者田大生聞于階聞于邦王國泰元鳳翔卞文斗王乾亨丁嘉運劉栻姚克智丁崇先郭之英姚同寅尙日暄陳純李孕生王致和申華郭之豪田之萃郭瑋馬負圖錢人瑋盧元貞馬采國馬柱國韓中佐楊于世王啟昌邢元錫熊叶夢王維新李汝珽盧傳世喻天敘楊士貞郭之產郭獬賀嘉貞聞愼言監生王文煥田之蔚田之尹田之茂武舉尙日濟李承訓醫官張濟民奉

祀生孔道隆儒士田之蕙丁振先共五十七人

江南通志

檀之槐字星垣潁州諸生賊至以母柩在堂不忍去賊掠其家之槐持杵連擊數賊賊怒磔之死移時兩目猶燦燦轉動有光

云

明史張清雅傳

王聘汝字起莘潁州人母時氏罵賊死聘汝憤甚糾聚鄰壯殺賊力戰於楊家店死之

江南通志

王印字雲卿潁州人工詩築慧湖別墅遊處其間旁有廢冢笑曰此吾鄰也作鄰墓記以護焉創宗祠以聯族人冠婚喪祭一以古禮爲法素善射寇至登城射賊多死及陷自縊於城頭古柏而死

江南通志

陳繼信字鳳津潁州人工畫學書學劍嘗鑄一刀上刻殺賊報天子五字賊至結束精嚴或言其老當自愛不聽出擊賊於城

南手殺數人刀折而死

江南通志

鹿勁字見功潁州人生有神勇賊攻城勁守北門賊攀堞上者
擊踣無算賊登樓射之中十餘矢城陷猶巷戰殺賊而死時州
中布衣同死者元中元嚴克長王尙廉元旋祁標王公枋張肅
範王之幹趙謙祁瀛潘守仁汪茂椿黃國王九成張思明共十
五人

江南通志

國朝乾隆四十一年自劉廷傳以下八十五人並

賜祀忠義祠

勝朝殉節諸臣錄

田旣庭霍邱人官淮安府教授戴廷對霍邱人官福州通判賊
陷霍邱時旣庭廷對在籍皆死之

明史盧謙傳

國朝乾隆四十一年廷對

賜諡節愍旣庭

賜祀忠義祠

勝朝殉節諸臣錄

王毓貞字培元霍邱人崇禎庚午舉人賊至不屈死同邑扈永

甯以貢生任太湖訓導抵任未半載寇至與子生蘭皆不屈死

明史盧謙傳

霍邱縣志

張燦垣霍邱人賊屠城燦垣以救父罵賊死

江南通志

國朝乾隆四十一年並

賜祀忠義祠

勝朝殉節諸臣錄

李心唯亳州人流賊至泣守母喪被殺子果厲聲罵賊亦見殺

父子皆諸生

明史張清雅傳

李如龍亳州人闖賊陷城執其母奮力擊賊與妻劉氏俱爲所

殺

江南通志

李猶龍如龍從兄守親柩不去亦爲所殺

江南通志

雅元聲亳州舉人寇脅之從罵賊與子俱死

江南通志

國朝乾隆四十一年並

賜祀忠義祠

勝朝殉節諸臣錄

干澤九太和庠生闖賊至執其父有成澤九請代勿許遂同受刃妻王嫂李挺立罵罵亦同死

潁州府志

高應岡太和人隨父仕燕京任滿歸過濟甯父爲賊所執應岡救父被殺

江南通志

秦培篤太和諸生流寇至與妻王氏俱被獲大罵不屈遂同被

害

江南通志

秦思凡太人流寇至獲之城外卽驅攻城思凡大呼曰賊不過牛皮覆車以避矢石所懼惟火語未畢賊碎其首守城者遂以柴藁焚牛車城因得全

江南通志

國朝乾隆四十一年並

賜祀忠義祠勝朝殉節諸臣錄

李琦之潁州人寇執其父琦之請代甚哀賊不聽琦之憤罵死

之潁州府志

王璇潁州人年僅七歲賊至其祖國泰不屈死父乾亨憤罵亦

死璇以身蔽其父遂一門三代同死潁州府志

郭尙智潁上冶工崇禎壬午爲革左等南五營賊所執使誘城

中人啟門佯許之至城下大呼曰賊至矣賊怒斫之守陴者驚

起城獲全潁州府志

汪長恠霍邱廩生賊至城破挺身受刃同邑庠生朱昌祚格鬪

被數創罵不絕口而死潁州府志

汪可奇霍邱人賊至脅從不屈死其子庠生毓秀以救父死毓

秀妻王氏奮起以石投賊亦死

潁州府志

任之俊亳州貢生爲聞賊所執神色不變而死

潁州府志

穰永壽蒙城人同弟永茂永坤永清永齡俱以殺賊陣亡同邑

姜潤德郭景星俱殺賊陣亡

潁州府志

盧九華蒙城盧姓之僕因主被賊殺持刀罵賊而死又有趙勤

者潁上趙天錫之僕賊至錫一家已避而錫偶歸適遇賊勤匿

錫柴垛中賊榜勤至死不言其主所在又廖福者潁上令廖某

家丁也善制火器賊數攻圍而潁上獨全福力居多後賊復攻

福自起放礮擊之礮炸而死合邑慟之

潁州府志

石璘石珣葉影葉彩馬慎生湯洹葛挺生朱良弼王五美邢之

俊俱潁上諸生甲申夏營將屠師覽兵叛掠潁上慘不可言璘

等倡合千人剿之爲賊所紿敗績一時兄弟朋友俱歿士林哀

之稱爲十義士云

府志

王之鼎蒙城庠生明末寇起之鼎分守城隅賊有魏坦者爲之鼎所敗獲其孥坦仇之後坦受招撫賄將某用間殺之合邑冤

之

府志

周應正武平衛人正千戶由武舉任浙江都司倭寇犯杭州應正募得義兵千人趨賊營斬首百餘級乘勝追至黃山遇伏應正力戰陣亡贈本衛指揮僉事

江南通志

馬大賢太和人流氓賊至其子思孔以材官率丁壯守城射死賊甚眾其家在城外賊遂執大賢以脅之大賢至城下大呼曰兒勉思善守無以我故爲賊屈也賊怒殺之

太和縣志

朱崇向太和人賊趙懷遠偪城崇向搏擊斬數人爲流矢所中而死同邑胥世富王泮皆以守城擊賊死又有豆元亨者不知

何處人寇至太和元亨奮刀躍馬連殺四賊馬逸入水爲賊所

害

太和縣
呈冊

扈永甯霍邱人崇禎中太湖訓導賊犯城或勸其去永甯不從

賊至猶聞誦讀聲遂遇害

一統志
懷府名宦

舊志安
新移

重修安徽通志卷二百十五

人物志

忠節 十四

潁州府

國朝湯裔字恪三霍邱人精於岐黃充太醫官雍正七年從將軍傅爾丹北征陣亡

賜祀忠義祠 一統志

李成邦亳州人官重慶中營游擊從征金川屢著戰功因威茂營兵被困深入救之遇伏轉戰力竭猶手殺數人而死事聞

賜廕贈如例 亳州志以上舊志

葛大奎蒙城武生道光二十二年從征定海陣亡

蒙城縣志以下新修

甯俊千阜陽武舉壽春營把總咸豐二年帶兵防湖北蒲圻縣

陣亡世襲雲騎尉阜陽縣志

孟繼魯亳州人亳州營外委咸豐二年帶兵百人調防湖北省

城同弟額外孟繼善戰兵孟繼經皆陣亡死者三十餘人亳州志

張思忠葛正化俱蒙城汛兵咸豐二年調防湖北武昌陷巷戰

陣亡蒙城縣志

王兆熊潁上人壽春鎮標千總咸豐二年調防湖北蒲圻陣亡

於同治十二年請

郭柏蔭
奏案

朱杏阜陽人咸豐三年同時雨公朱鶴經率勇在七旗倉擊捻

賊李士林陣亡田珍亦督練千餘人接仗七旗倉陣亡阜陽縣志

李鳳翔阜陽文生時景蘭王聘遠阜陽練長咸豐三年與王欽

王鐸等二十人朱永和等五十餘人禦捻於王家橋均陣亡又

王珍王業儒王春陽朱碩相李略周魁修均在洄溜集剿髮逆

陣亡

阜陽縣志

蕭銀如阜陽人咸豐三年禦捻逆於慶元集陣亡是年程有龍在田市集王運昌郭金斗在高家堰王曉峯在王家橋楊誥率其子孫在張楊集均禦捻逆戰歿

阜陽縣志

李清鵬亳州人由廕襲世職投效督標咸豐三年髮逆犯江甯府陣亡

亳州志

楊永茂亳州人嘉慶間從征滑縣教匪保千總銜咸豐三年髮賊竄亳州城陷永茂率子天德天俊巷戰死是役也練總顏士吉從巡河哨官徐振清及徐扶清徐利清徐萬和徐牛陳定龍錫名翼成紀祥德俱陣亡又韋學思王佳培李本善吳占鼐吳金標任景岐李承福監生許遐菴俱闔門殉難武生耿葆元耿

穎迪董衡鈞董金鈴黃際昌文生潘璞董配義董位育董鳴鈞
洪鈞馬文立許元吉張化純王麟書張儒林鄭子綬鄭其貞趙
恩波陳廷輔李寶善劉文昭文童韓從振陳元六品銜張紹孟
王維義均死之

亳州志

劉純修太和監生成豐三年從知縣剿捻於淝河力戰陣亡同
死者百二十人

太和縣志

陶成蒙城拔貢咸豐三年夏同監生葛祖令帶練從知縣宋維
屏剿髮賊均避害城陷文生胡勤施馮登榜率勇目馬佩等巷
戰均陣亡張同慶楊廣善等俱死之陶成世襲雲騎尉葛祖令
奏准

旌卹是年秋文生陸型汎兵張思賢丁訓勤陸鳳翮杜遐齡在小澗集
監生陸同和在丁家溝葛如芝在西陽集均禦捻賊陣亡

蒙城縣志

喬之杰阜陽人咸豐三年同監生范逢清俞治蒲督勇禦河南
息縣土賊次年夜入賊營斬殺無算力竭被害子義永義廉均
死之

阜陽縣志

袁愷阜陽人府學附生成豐四年粵賊踞泗涵集愷率練堵剿
父子三人均死於陣同死者三百餘人又韓杰程需李志業程
文寶朱澤程如蘭孫巨川程得意郝連珠王順岳步月朱玉鐸
朱相常大戶程碩年楊春田劉開府姚法周秦相科蘇力田蘇
甫田徐永義監生劉澤宮及弟澤翠子松年毓秀均於泗涵集
督練防禦幾逆陣亡

阜陽縣志

謝本偉阜陽練長咸豐四年在白家營擊賊又武生張金鑑在
十字河擊賊均陣亡

阜陽縣志

冷燦徐松俱阜陽人咸豐四年禦捻逆於功立橋陣亡又劉東

山劉東池馬景力陳學孟李繼全李思恩張春麗王宗善張三
魁李鳴周頂鳳芝李三李永從崔開選李墨李成灼均禦擒死

阜陽縣志

常國均頴上人守備咸豐四年率團練禦髮賊陣亡五子一門

殉難

旌卹如例頴上縣志

湯汝惠頴上人咸豐四年率眾堵髮賊於江口集同湯廷光等
十四人均陣亡又李映儒曹金和曹金亭在沙河饒必泰父子
在涇澗集俱率眾堵賊陣亡蔣連科張霞川徐振武監生陳宜
民高時雨皆戰死廩生陳克儉貢生湯嵩蟠俱不屈死頴上縣志
程讓川霍邱武童咸豐四年率姪鏊相尚樸秉忠集練堵髮賊
陣亡闔家數十人殉難蒙

恩旌建專祠專坊又曹之英募勇剃髮賊軍功賈攀雲率勇蔣銀山等

截斬髮賊追至洪口橋杜中魁追至馬家店練總陳龍春陳貴

春禦賊三劉集均各死之是年土匪陳玉攻西街集監生何燧

被執死同知銜劉炳南全家殉難土匪金玉華煽亂監生張其

善同徐惟一率眾與賊均死

霍邱縣志

唐承宗亳州練總咸豐四年同弟承宣守盧家廟寨禦賊被害

同死者黃鼇黃松山黃松柏孫心位文生孫景祿蔣樹蔣廣恕

訓導蔣組綬千總蔣廣榮把總蔣廣修外委蔣學貴蔣心泰蔣

學德軍功蔣文宣蔣興岐監生蔣興朝民人蔣光等五十二人

並陣亡

亳州志

魏有貴亳州武舉咸豐四年同武生賀東山帶古城集練擊捻

於南頓橋俱陣亡魏存讓魏仰久魏繳魏牛均死之

太和縣志

魏養體亳州人咸豐五年剿捻淝河陣亡

太和縣志

姜培太和文生結國防子孫渡扼西竄之捻咸豐四年捻西擾
培聯各國禦諸三漲口陣斬數賊力竭與孫洪道等均陣亡廕

雲騎尉

太和縣志

張鵬搏張鵬春張登科張寅黃敬純黃敬禮並蒙城人咸豐四
年春在城東禦髮賊均陣亡李克治闔門死難李繼友等十三
人李夢祥等九人廩生楊耿元監生丁銘光李克選均遇害是
年秋黃廣珮牛麻孜在小澗集監生戴景尼在戴家集王昭在
柳橋俱禦土捻陣亡戴景尼王昭並全家殉難是年冬文生戴
燦章帶練禦捻賊眾潰遇害李猶龍以不從賊死

蒙城縣志

程大文亳州臨湖堡人同弟大學辦國練咸豐四年剿捻匪於
清油湖陣亡又亳州張村堡人高鳳韶亦於是年帶練剿匪死

湖陽縣志

李茂遠亳州雒河堡監生辦團練獲陳捻正法咸豐四年爲捻

黨所執不屈死是年蒙城蔡湖村人王勤辦團禦賊被害

湖陽縣志

劉達吉阜陽監生咸豐五年帶練在田家拐禦捻陣亡又李如

敏同子名望名耀在北三塔謝本民在永安店劉允懷劉允滋

時永春在王老人集劉元長王克魁王永緒在高公廟楊蔡照

及王克紹等十七人在淝河均陣亡

阜陽縣志

管守仁字篠齋霍邱人河南縣丞在籍團練咸豐五年被害蒙

旌卹又武舉都司范樹恩帶勇會六安曹綬卿攻桐城剿髮逆於呂亭

驛陣亡

霍邱縣志六安州志

李大鵬亳州人千總咸豐五年守城禦捻死是年增生王謙益

文生杜天相武童姚五常文童王肇元練總張效唐監生明河

源及李永安等八人千總齊東興等三十二人楊家平等二十人劉鳳來雷陽春常住蔣念清等俱陣亡張中和闔門殉難其後王謙益之子傳縉以禦賊死杜天相之子璽同文生馬良琮往尋天相遺骸遇賊均死之

亳州志

李永魁太和人淝河汛官咸豐五年剿擒賊於仁和集陣亡是年童生楊廷瑾辦圍守淝河眾潰遇害軍功范欽承與黃中和等禦賊龍德寺死之陶理任帶勇禦賊淝南受傷與陶理坤陶保陶有山陶金榜鄭服等均死

太和縣志

王殿臣蒙城人咸豐五年從勝保剿賊鳳陽陣亡

蒙城縣志

黃霆萬蒙城武舉咸豐五年同六品軍功張如陵率練勇剿張落刑與張憲等二十二人均陣亡霆萬世襲雲騎尉是年六品銜聞鳳鳴與劉冠軍帶勇從俞澍在雙澗集剿土匪文生丁珮

璵在小澗集劉朝陞劉朝楹劉朝棟在馬家窪均死之同死者
王廣耀等四十四人又練總文生萬步蟾守北門禦張落刑城
陷被執死

蒙城縣志

程鳳集亳州張村堡監生咸豐五年帶練救張家圩陣亡是年
雒河集人都司宋玉臨湖堡人程大功程有略程青雲張村堡
人韓春韓法高占魁王君明于永山趙得龍程志賢義門集人
文生鄧繼陶武生史和葵俱各帶練剿捻匪陣亡

渦陽縣志

王尚雅阜陽人咸豐六年龔捻攻圩同兄監生尚文弟武舉調
元率眾抵禦圩破死之同時殉難者二萬餘人

邱建專坊祀忠義孝弟祠

阜陽縣志

朱盈善朱復善阜陽監生咸豐六年與章嶸岳義修張齊甯啟
新靳效文張立富及練丁歐峻嶺等防守淝河禦賊被害

阜陽縣志

陳焜耀阜陽文生同從九品俞治藩五品夏文德民人陳燦離
等二百九人禦賊陣亡於同治十一年

旌卹祠坊

黃鉅
奏案

陸燦離阜陽文生咸豐六年禦捻逆與弟恆欽恆魁恆春姪蒼
壁琮壁家訓志孫均陣亡是年李德善等三十四人在關墮集
尹克忠等十五人在張楊集楊廷和等二十三人在馬頭橋梁
悅等八人在大橋集談蘭芳在許家堂李玉解榮沈天榮姜振
南等十四人在淝河張錫弼在邵橋俱陣亡

阜陽
縣志

甯金元甯瑩俱阜陽人咸豐六年從多慧征亳州均陣亡

阜陽
縣志

楊德煊頴上附貢咸豐六年禦捻賊淮河南被執死一門殉難
是年監生李彭年同叔天福天標兄萬年海年杏年遐年希孔
姪潛源深連及林大遜林作楫林作梅顧中清文生陳鎮坤蘇

學坡築圩禦賊圩破均被害又監生沈大年率孫來正孫悅正等武生范龍光同范景禹等童生康永慶吳登甲尤學重尤學思率練丁尤玉振等禦擒賊均死之縣志
李彭年字柱臣阜陽附貢訓導重義好施修橋設渡建義學咸豐三年辦沙河團練屢卻擒逆六年擒渡沙河彭年同弟舜年遐年孫淑杲姪孫霖溥分隊擊賊於焦家園相持三晝夜均力竭陣亡劉開樹劉開先亦死之均

恩卹銀兩祀昭忠祠

彭年世襲雲騎尉

阜陽縣志

吳毓桐

同舉表

霍邱歲貢咸豐六年率練禦賊三河尖與吳維

讓吳維曦死之又監生潘錫祿擊賊被執死

霍邱縣志並呈冊

張襄范效孟柴九成卞天俊郭廣林俱亳州練總咸豐六年禦

擒賊被害是年武生張如曦張如峨監生張德恂及張永康等

三人朱鳴璠等五人李承烈等十人卞天林等十四人李占長等七人韓吉等六人趙興隆等三人郭傳璣等二十九人均陣亡又李心冉修遵福等十九人從袁甲三在吳家樓南剿擒軍功蔣天奇從總兵朱連泰攻袁圩與雷祥慶等均各陣亡

亳州志

李步階亳州人穎上把總咸豐六年與黃坤元等禦葛捻陣亡

穎上縣志

閻旋亳州文生兄幹團練爲捻所嫉咸豐六年賊執旋索幹旋厲聲曰我卽閻幹賊殺之

亳州志

賈玉太和文生成豐六年禦捻賊於梁家湖陣亡廕雲騎尉是年練長張學官被圍遇害全家三十餘人自焚死王金麒守稅子鋪寨破巷戰受傷死童生盧潛修同許調琴許苟勞率勇扼賊淝河戰歿監生李祥雲在天宮寺剿賊與夏芳辰夏冠卿等

十三人俱死之

太和縣志

劉仲華太和人六品軍功咸豐三年饑出豆餅散給戒勿作亂全活五百餘人又扼賊坯灘口敗之於雙浮屠六年賊大股犯境仲華禦之受傷赴水死同死者三十有三人均蒙

旌卹

太和縣志

李稔蒙城廩生成豐六年同子俊林產林帶練禦擒賊被害李春生丁步月李占鼇在西關陣亡文生李純甲帶練隨知縣俞樹與李冠美等六人擊擒陣亡文生張淑勳帶練在雙湖集剿土匪陣亡監生馬廣興帶練在豐家集剿擒與孫登瀛等二十五人均陣亡

蒙城縣志

吳濟川亳州義門集監生辦團禦賊爲擒匪所仇於咸豐六年被害是年雉河集人轉蕙堂轉占林葉茂林從奇勝營剿擒頑

州一帶陣亡

清陽縣志

李如錦阜陽人同子式賢築圩禦賊咸豐七年捻逆破圩均被害同死者二百餘人

阜陽縣志

袁宏阜陽人年老多力咸豐七年糾合丁壯拒捻逆戰三日陣亡又耿有志等三人馬禮等七人及謝本馨耿克福耿誠意劉獻徵張建業李輝韓建章韓四張文炳楊春榮均於是年率練禦捻陣亡張建業弟儒業漢業立業登明登階姪惟時惟一李輝子紹禹紹中紹棠均死之王福臣等三十二人吳朝等二十餘人在柳溝集擊張逆均陣亡

阜陽縣志

朱鳴鳳字曉山阜陽舉人揀選知縣生有至性以名節經濟自勉兩次伏

闕上書其一書以尚書爲經時事爲緯得

旨嘉獎金陵陷撰結寨自衛議及化莠安良說咸豐七年勝保檄撫捻
匪率弟鳳岡子祛患往三河曉以利害捻匪感動將就撫矣會
粵逆突至被執不屈與弟子均遇害鳴鳳

贈知府銜世襲雲騎尉是年沈河清亦在三河尖陣亡

無爲州志

許德薰阜陽文生咸豐七年禦捻賊死是年芥彥生在雉河集
戰兵劉蘭亭在正陽關軍功王恆遠在臨淮關王蘭池等四人
王樹愷等二十四人均在王家大莊王牧劉登朝等在慶元集
張從儉等八十二人在張家店等處張連舉等七人從勝保攻
捻圩均陣亡

阜陽縣志

陳宣阜陽人咸豐七年捻匪犯境闖門自經又周敬殺其二子
而自縊

阜陽縣志

尹廷獻阜陽武舉咸豐初在泗潘集破賊救出難民保五品頂

戴七年帶勇剿寇擒陣亡世襲雲騎尉

阜陽縣呈冊

沈逢年穎上人訓導咸豐七年率眾堵禦髮捻被執死子孫一

門殉難又從九街羅馨齋同弟煥文奎文炳文郁文等一門殉

難並

旌卹如例

穎上縣志

常鴻章穎上人咸豐七年髮捻合圍縣城地雷發鴻章率眾堵擊始退後復轟城與鹿春光等十八人均死之又劉冠一李汝蓮孫守仁蔡汝芹王德舒忠馬儉采光旦率眾縋出襲賊先勝後挫俱被害同時張景春張殿嶺耿喜林鄭世耀鄭鴻文孫發唐榮甲張鶴曲吳承祖江茂林范書太王化行呂兆曾並以守城死吳俊英監生吳鳳鳴文生吳雲集吳雲成俱以堵賊戰死徐曉經徐權武生徐殿英文生化行國並隨武舉姜兆璜自府

城來援力戰死

顧上縣志

吳起亮顧上人咸豐七年同廩生謝廷楷謝廷度監生劉義勇

謝廷鑑謝宏先謝成先謝廷贊謝廷獻謝廷槐羅志縉吳維庸

吳維本築圩堵賊遠近避難者多依之屢出擊賊斬獲甚眾相

持數月賊擁眾圍之圩破均被害同死者千餘人

顧上縣志

羅考祥顧上附生咸豐七年擊賊白塔湖陣亡又李桐臣在霍

邱守城死

顧上縣志霍邱縣志

孫得章霍邱監生成豐七年同姪鳳三帶練堵禦髮逆陣亡又

段槃在太平橋王事備在顧販俱擊賊死從九品尚開泰張本

和監生張家炳張華封童生張本原張本泉暨張榮升張宏明

張杏林張冠英朱九如馮源清馮河清趙連城劉之樸蘇元宰

楊東壁林榮和林秉朝林發育王立功俱各帶團禦賊先後陣

亡馮源清蘇元宰並全家殉難武生程萬和與兄弟子姪十人
張體仁與弟體修體純體潔牛化普與子莫育童生羅青霄與
弟沿霄及子姪七人均堵剿髮捻死之

霍邱縣志

陳其善霍邱人倡首團練咸豐七年髮捻圍撲縣城其善率眾
守城監知事田安仁從九品田毓珍布政司都事陳蘭生率子
從九品其儀均帶練捐資助守城陷均死之田族死者數十人
陳蘭生闔門殉難世襲雲騎尉建專祠坊同時帶勇守城者監
生范秉忠廩生宋德宗同弟嘉禾嘉敏嘉禮監生余懋勳同弟
懋熙子克儉克勤克家克讓姪克明克俊武生周墀同子履朝
姪德成增生宋耀先同弟遠先則先子嘉穀嘉果姪嘉善廩生
羅華光同弟榮光國光文光用光錫光子士貴姪士來士仁士
良士楨士升大柱小柱國子監典簿銜周榮照同兄汝岡弟晨

照崇照鳳照景照德照廣照及子姪等十餘人杜廷選同子延
福姪延陞等十六人劉奉曾同兄弟數人布經歷何揚清同子
六品銜言章州判何其坊同兄弟子姪康田其章爾立文華文
明監生王肇基同從九銜振基提舉銜承基監生開基童生德
基安廷俱守城力竭死並全家殉難又練總李效曾通判許階
六從九沈昌齡沈遐齡張本廉張本訓余廷選劉永慶監生龔
靜存胡同慶鄭來鳳劉經猷時景福沈德宗馬芝田廩生沈琢
附生何燾龔柱臣湯式圍暨吳保倉張鎮海張國恩王淑修劉
文秀朱尚仁賈文陳大方高德潤黃植璋胡應果胡連平魏登
科左連松金燧岳芾陳方昇陳尚元均守城死難勇丁死者不
勝計其率勇巷戰者千總朱殿甲同弟軍功春甲朱雲峯同弟
純峯子九采敏采姪希孟及監生朱瓊珮琨珮通判劉星杓率

子相輔及武生劉捷三劉清華增生馬心怕率子冀蔡姪芹芸
苗莢蘅芑及馬瑞麟馬祥麟文生陳繩祖率子欽實欽蕃俱各
戰死舉人關洛拔貢商鼎彝任之萃歲貢蔡汝嘉汪移孝訓導
張清范本周建中縣丞劉起雲劉核從九劉咸一劉澤施劉根
劉廷楨程永貴歲貢姚煇周載道丁琪徐尚佑張鈺張桂林監
生賈培基陳貽謀文童傅本善均死之城陷後擒賊將西渡廩
生儲雲霖文生周錦芳遇守潘家湖月餘賊繞襲其砦均戰死
監生李芳華扼守淮河陣亡弟姪死者十數人是役也先有議
款賊者商鼎彝力持不可乃止髮逆素掘地道擒逆恃以攻城
汪移孝稔知之議募敢死士縋城下擊不果從故及於難霍邱縣志
裴錫之霍邱監生六品銜與兄監生裴正心倡捐練勇剿賊有
年咸豐七年城陷闔門六十六人殉難錫之

贈知州銜與縣丞裴晉之均世襲雲騎尉建專祠專坊同時死事之廩生裴正己增生王文翰附生王咸熙朱孝思朱法先朱澈均蔭雲騎尉祀裴氏專祠又監生李友張屢次團練守城殺賊及是戰死闔門五十一人殉難蒙

旌卹建專祠坊是年廩生鄒霖隨父鄒純死難霖弟霈及子姪闔門死之又廩生劉卿槐文生劉卿淦劉卿卓劉卿焯劉卿棐劉卿彝劉卿燮文生王泮劉貫一監生羅廷玠宋道先宋士全王林茂楊永治楊永德羅廷樑武生王裁成及張雲路張懋修趙保堂郭鐫羅長發楊錫照陳應舉張之偉均各全家殉難張之偉僅以身免乞食阜陽旋卒

霍邱縣志

寶如郊霍邱人國子監典簿銜咸豐初呂賢基劄辦團練捐募助剿迭獲擒首七年髮賊陷六安踞霍邱糾捻攻撲固始如郊

帶練勇扼紫冲善鄉疊擒擒首多名羣賊自固始折回如郊迎
剿失利受二十餘創與寶保國等三十九人均陣亡練丁三百
餘人同死家屬闔門殉難經侍郎胡肇智奏奉

諭旨分別旌卹建專祠坊世襲雲騎尉

胡肇智奏案

寶科田霍邱人都司從征河南咸豐七年在固始戰歿

霍邱縣志

馬雲會亳州武舉咸豐七年同武生馬雲驥監生馬雲從等十
人與捻賊接戰均陣亡是年蔣三本等八十三人丁懷璠父子
三人董尚選等六人李體信陳紅等八人胡文斗等五人文生
高萬鎰監生武克念及修興業等八人均禦擒陣亡

亳州志

沈殿選太和人咸豐七年率練禦擒賊於祖師廟與韓廷文滑
進修等六人均死又軍功段廷玉王心田在板橋集禦賊陣亡

太和縣志

武克勳蒙城人咸豐初帶勇助周天爵軍擊賊於佛鎮集給五品銜七年苗逆起事招克勳不附殺之是年葛如臣葛珩在西陽集陣亡樊金聲楊觀民左占先慕文祥李占魁在河北岸陣亡又徐樞張銳思軍功于金鳳在小澗集均戰歿武克勳長子企清九年充練總亦遇害次子耀清捐備練勇五百扼賊衝賊不得進同治二年爲逆黨所殺

蒙城縣志

唐兆江宋克敬葛振聲蒙城人俱築圩禦賊被害又王大孝督攻捻逆陣亡

蒙城縣志

池金川亳州義門集人團練禦賊獲劉捻等正法咸豐七年與捻賊戰於大石橋陣亡

渦陽縣志

葛銳思蒙城西陽集人咸豐七年在鄧家集帶練攻捻賊死

渦陽縣志

縣志

劉鴻鍾霍邱文童咸豐八年從勝保解固始圍陣亡霍邱縣志

郭光琪阜陽人壽春營守備咸豐八年在固始陣亡

贈都司銜世襲雲騎尉阜陽縣志

周士倉梁治邦陳豁然俱阜陽人咸豐八年帶勇禦苗賊眾潰與陳鶴等十七人王恒周等三人均死之阜陽縣志

徐晚穎上人都司自備礮船隨壽春鎮沿淮剿賊屢立戰功咸豐八年在臨淮督剿捻逆陣亡

旌卹如例縣志

吳保明霍邱人把總咸豐八年帶練堵賊與姪監生舉善均陣亡均蒙

旌卹又臺克墀率練堵剿被害霍邱縣志

鄧開誠亳州人遊擊咸豐八年同遊擊姜學詩外委黃德山軍

功董文岡董文魁在河南馬鋪陣亡開誠世襲雲騎尉是年伊
文儉張孟奎張國望張文理強自強卞承武董連榮均禦擒被
害蔣廣文等二十八人卞寶山等十三人均在籍禦擒死又把
總李心五軍功李天益蔣尚清王麒麟李文照李清宇在小柰
集等處戰歿把總崔學義在湖北軍功李永先在頂城均打仗
陣亡

亳州志

馬瞻魯字仰山太和文生首倡團練禦擒賊大小十餘戰力扼
淝河一帶咸豐八年與于敬先任鳳瑞范衍孫懋一作茂修連敗
擒賊於板橋胡寨等處追至甄橋均陣亡其弟馬欽魯同徐貫
玉謝復性張自富等均死之瞻魯廕雲騎尉餘並

旌卹祠坊

太和縣志

紀廷棟字燦斗太和武生善騎射勇力過人咸豐初團練結寨

保護鄉里八年擒賊圍岳寨張寨廷棟同弟廷英廷璽廷揚廷
文峯率眾往援殺賊數十轉戰六七里陷伏俱死之又李培追
賊港溝集陷伏死軍功趙繼開等十人在板橋集陣亡

太和縣志

劉大樂太和人父麋生興泰有擒斬擒首功咸豐八年築圩安
豐集拒擒三晝夜大樂與族人大彩大勇大榮俱陣亡全家殉

難興泰歐血死

太和縣志

楊士賢蒙城監生咸豐八年帶練勇在呂望集同張鑑剿擒陣
亡又張桂芳攻戴家圩陣亡

蒙城縣志

盛之正蒙城人在蔡湖村團練咸豐八年寨破同弟之燦之海
及練丁盛萬清等二十六人死之又練總軍功張大訓張霽坡

團練禦擒與王孚守圩均遇害

蒙城縣志

高仰仲阜陽人咸豐九年同高魁友高燦廷在勺李寨率眾堵

捻陣亡同死三百餘人

阜陽縣志

趙伯鈞阜陽人辦團剿捻嘗拒張逆於慶元集咸豐九年剿賊中火鎗猶殺數賊而死又高登庸等十一人王維則等十人與府學文生孟傳化周煥均死之

阜陽縣志

李綸田候選知縣李桂林把總均阜陽人咸豐九年從李孟羣在廬州之長城力戰陣亡於同治元年奉

旨議卹并從祀廬州府城李孟羣專祠

章甲三奏案

喬定邦阜陽人千總署定遠汛把總咸豐九年捻匪攻定遠巷戰死之世襲雲騎尉又都司銜守備劉蘭芳亦在定遠陣亡

阜陽縣志

縣志定遠縣志

呂鎮清阜陽文生咸豐九年淝北捻逆來犯破王家圩鎮清死之時恆志王峻嶧王峻岐王繼春王永山李連登均陣亡

阜陽縣志

丁文睿阜陽人咸豐九年率姪成年等禦苗逆於田市集均陣亡又於希文張鑑時人同凌霄凌雲馬安國陳際隆白朝萬白昭善王振羽陳廷桂張崇張德應永吟應容賓劉永清王千靈及王廷合等五十九人李敬廣等三十四人趙維城等七十五人俱在田市周如苞張廣仁在天蓬集李宗顯等九人在小高塘張孟祥等十人在楊橋集斬桂良任其廷等在康家寨均禦苗逆戰歿

阜陽縣志

王學臣阜陽練總咸豐九年剿捻程家圩陣亡又王掄元同子履亨姪履貞剿苗逆於大田市集陣亡王五臣在洞溜集陣亡

阜陽縣

呈冊

汪承基字旭塘潁上人

定遠志作拔貢

署定遠教諭咸豐九年定遠城

陷遇害子增生鈺死之全家殉難

旌卹如例祀定遠昭忠祠

縣志

管興仁霍邱監生辦四保團練多有斬獲咸豐九年同姪維楨

一 及葉學禮帶勇殺賊陣亡

霍邱縣志

聶長青亳州人都司銜同守備銜李學志李搭拉在高唐陣亡

亳州志

李逢辰字際昌蔡字監生俱亳州練總均於咸豐九年禦擒賊

陣亡是年蔣應賓等十三人並戰歿

亳州志

劉貫珠太和監生成豐九年率練助官兵攻灼李寨擒賊與李

金標孫學孔張殿英余得學王偉俱戰死是年文生李晴皋率

眾拒賊大橋陣亡同死者數十人

太和縣志

蔡吉慶蒙城人把總咸豐九年剿土匪陣亡營兵李春華剿擒

石山村戰歿

蒙城縣志

楊永光蒙城人咸豐九年擊捻陣亡

胡學智奏案

廖明道孫登壽張志武謝從道張紹美王曉音陳定修尹仁行

黃瑤田朱繼禹俱阜陽人咸豐十年剿捻均戰死又監生康文

章等八人圩破同死

阜陽縣志

陶有權太和人咸豐十年同陶鳳階率勇攻賊與陶占江張鐸

張定張孝王蒼樂奉先樂瑞清陶良賈從先韓士元徐孟書等

均死之

太和縣志

范奎升楊見邦俱亳州練總守界溝寨咸豐十年禦賊被害是

年葛立亮從官軍剿賊陣亡馬來清等數十人在小紅廟戰歿

亳州志

李金榜蒙城人咸豐十年攻劉家集捻陣亡

蒙城縣志

呂發榮亳州人咸豐十年帶勇擊捻賊於西釣魚臺追至河干

陷伏死又李雲階禦賊於余里鋪軍功高鳳紹等十七人在張

村鋪路心坦等十二人在孫官口均陣亡

亳州志

葛同華蒙城武舉署蘇州城守參將咸豐十年蘇城陷同姪大咸巷戰陣亡

旌卹如例大咸之子克用後在杭州陣亡

家城縣志

陳維四阜陽人咸豐十一年與劉報等十九人剿捻逆胡麻三均陣亡又盧開基是年剿姜捻陣亡

阜陽縣志

尹尙賓阜陽人尹廷獻之子花翎千總咸豐十一年攻苗逆不克而死世襲雲騎尉

阜陽縣志

皮霆穎上人積功保都司咸豐十一年在壽州守城殉難

兩江忠義錄

姜錫恩字仁山霍邱人歷保江蘇知府咸豐十一年同縣丞裴

克端辦天長剿撫事入城受降陷伏被害均世襲雲騎尉錫恩

贈太僕寺卿銜

霍邱縣志

朱辛未霍邱人咸豐十一年苗黨倘貫金之亂率眾攻之不克

而死又李光彩劉汝珠魯恆珮俱帶練陣亡

霍邱縣志

李國樑霍邱人水師營千總剿賊力戰陣亡世襲雲騎尉

霍邱縣志

志

佟載陽亳州武舉咸豐十一年同監生張憶典帶勇救史家圩

均死之

亳州志

周大山亳州武生同姪武生立憲守仁和寨咸豐十一年禦賊

被害又申守位張仲先孫根柱在紀樓砦趙學賜等十一人在

王岡砦均陣亡

亳州志

李春雨太和監生咸豐十一年帶勇守淝河往救薛寨陣亡又

監生于懷璋禦擒唐家溝中斃死鄧朝卿等二十三人救夏砦

陣亡

太和縣志

趙協和蒙城人把總咸豐十一年與于同山劉學易攻雙澗集

苗黨陣亡馬兵吳占倫在袁家集戰死練總文生蔡一清同弟

河清等禦擒圩陷闔門死難蔡九齡及練丁蔡萬令等十人皆

死之是年苗逆糾髮賊撲城何成修陳樹祥力戰陣亡

蒙城縣志

唐丕冒阜陽人同治元年率練解城圍受傷死是年陳浩然率

勇堵擒賊陣亡軍功夏廣德李安邦練長陳如苞李連會魯明

德李麟玉張化林均死之苗金印等十九人剿陳太和陣亡張

升堂帶練守圩爲髮逆所破被害同死者張華竹張廣義等十

餘人謝乙眞招降擒首周樂功被害

阜陽縣志

張春林阜陽人外委同治元年髮逆圍犯府城接仗陣亡又薛

廷祥王春有劉三連文鐸軍功印興儒及呂可傳等八人賈倉等二十三人李文明等二十人俱隨解城圍陣亡監生余立中

與兄弟子孫六人在余家圩死難

阜陽縣志

張廣田楊見標俱亳州人同治元年從忠親王僧格林沁剿王

家廟圩陣亡是年文生胡鳳舞等二十一人攻麻廠陣亡

亳州志

吳容林亳州大顏集練長賊屢攻圩不能破後賊眾大至與魏

洪泰等三十餘人死之

亳州志

馬麟書蒙城人築圩自守同治元年苗逆陷圩不屈全家皆死

白圩隊長柳慎修梁得勝禦捻於戴家堂軍功于振清在小湖

集蔡永慶助剿皆死之

蒙城縣志

李春亭字寅賓太和文生結寨團練爲縣北蘆村一帶保障同

治元年捻擾邑北春亭率勇固守會有內應者寨破死者四百

餘人春亭巷戰死之

廕雲騎尉是年文生鄭廷俊在稅子鋪死難廕雲騎尉又武舉陶冠
儒在陶寨監生張照遠張俊儒張澄元張嶼張有年在張寨王
豹朱朝李景雲龐雲飛龐國兆李東弼在永安寨監生李守田
偕弟福田在蒲溝集軍功高玉階在兩河口武生劉南春督勇
與夏化雲救胡寨監生謝化理在黃佐樓寨均禦擒殺賊力戰
陣亡謝化理任華春謝紹路任華國王貫邦任永清謝建業任
黑旦謝從立任鳳舞俱各全家殉難

太和縣志

穆鶴鳴亳州趙旗屯人都司同治元年帶隊剿倉裏圩擒賊陣
亡奉准

在
廕雲騎尉
縣志

閻頤行太和文生以戰功保知縣嘗擊賊全河解鄧胡兩圩

圍同治元年力疾殺賊死八年奉

旌卹

太和縣志

楊瑞英蒙城高爐集人投誠剿苗逆洵保千總同治二年奉委密圖張總愚事洩被害已蒙

旌卹是年梁隆村人楊登科在蒙城東門禦苗逆陣亡又高爐集人張

文耀呼抗等十七人從程文炳剿捻圩均陣亡

渦陽縣志

李春林阜陽人同治二年從征懷遠陣亡次年游擊潘鳳鳴亦

在懷遠陣亡

阜陽縣志

尤煥章潁上人千總同治二年在靈璧督剿苗逆陣亡又都司

尤斐章在懷遠千總徐德安在蒙城俱力禦苗逆死之軍功張

克顯與其子密約官軍禦苗逆事洩均被害

潁上縣志

丁叶蘭蒙城文生築白家圩堵剿苗捻以功保候選直隸州同

治二年苗逆陷圩全家遇害兄呈蘭先期縊武生戴良楨文生
婁永平文童丁雙魁把總劉玉龍白鳳行軍功丁奪奎李文明
及丁仰波等百六人均死之雙魁玉龍合家殉難叶蘭率練突
圍請援不及扼吭死

贈道銜

蔭子入監同時候選知縣王青雲都司李曰琳攻苗壘殺賊被

執死並各一門殉難均世襲雲騎尉從死者練丁王維新等二
十二人軍功李嘉善先登傷亡李萱華爲苗黨所忌全家被害

蒙城縣志

李坤蒙城人把總同治二年帶勇守河北營苗逆攻陷與軍功

胡玉堂等百二十五人死之

蒙城縣志

王三元蒙城人同治二年擊捻陣亡

胡華智奏案

蔡連魁蒙城人守備同治二年苗逆圍城連魁以數十人拒戰

陣亡丁牛在城南把總侯淑衢

兵事作淑渠

在城東堵剿苗逆與施

際唐等八十九人均死守備劉效屢越濠乞援苗賊覺兩岸夾

擊溺死又曹雙等六人王梓槐等四人守城文童吳豐玉先登

軍功畢希聖蔡保在城東陳景山在城西均擊捻陣亡李三寒

在小澗集張鵬程在高爐集丁萬元在雉河集均戰歿

蒙城縣志

羅舜卿阜陽人同治三年戰於徐家寺死之

阜陽縣志

尹作賓阜陽人尹廷獻之子累功參將副將銜同治三年從僧

忠王剿捻光山陣亡世襲雲騎尉

阜陽縣志呈冊

楊心重渦陽人同姪思恭思本團練築圩保衛鄉里同治四年

圩破陣亡

渦陽縣志

李國楨太和武生賈臻派充練董獲通賊土匪送勝保營看之

國楨爲匪黨所殺事平奉准祀忠義祠

太和縣志

王廷德阜陽人從閻願行殺賊立功洵保千總從勝保援穎有

功從毛昶熙禦賊陣亡

太和縣志

趙景春阜陽人同治四年率眾夜焚地里集賊營被獲擢割死

阜陽縣志

王家選字待聘阜陽監生同治四年率勇禦擒戰敗子學禮救

之出復與賊戰父子均陣亡

阜陽縣志

程之紀阜陽人都司同治四年同弟都司之連守備呂玉堂隨

提督程文炳解蒙城圍進紮雉河擒賊掩至之紀玉堂陣亡之

連督隊策應受傷死均經喬松年奏准議卹

阜陽縣志

孫立士渦陽人投誠洵保總兵提督銜同治五年帶營在陝西

鳳翔攻剿回匪陣亡已蒙

旌卹

渦陽縣志

韓大文渦陽人從征皖豫保守備同治五年在荊子關陣亡渦陽志

志

范文清太和人同治五年禦賊死又李煥章李峻德李同倫李

寶德李百昌蔡玉林在淝河殺賊陣亡太和縣志

張廣武亳州人藍翎千總同治六年在陝西蒲城陣亡世襲恩

騎尉亳州志

徐振邦阜陽武生同治七年從征臨清州與張總愚接仗陣亡

阜陽縣志

馬占魁阜陽人常州營守備在廣西陣亡又正陽汎把總姚殿

揚在湖北陣亡俱世襲雲騎尉又潘錦從征山東陳蘭生從征

江蘇先後陣亡阜陽縣志

蔡茂修蒙城人都司同治七年從征陝西剿賊陣亡馬繼明胡

得勝鄭培基陸萬春陸日善從征臨清州均陣亡

家城縣志

趙得然溫陽人從征河南保千總同治七年在彰德府陣亡

陽志

胡克讓霍邱人總兵同治七年從李鴻章山東剿捻陣亡

贈提督銜世襲騎都尉兼一雲騎尉

霍邱縣志

徐效忠亳州人積功保總兵甘肅王家莊陣亡於同治九年

賜祭葬贈提督銜世襲騎都尉兼一雲騎尉

肅夏將軍金順奏案

向成雨太和人外委從左宗棠剿賊陣亡於同治十一年

贈千總銜卹銀兩世襲雲騎尉

左宗棠奏案

陳佳亮潁州府人副將剿賊陣亡於同治十一年

旌卹銀兩

贈總兵銜世襲騎都尉

左宗棠奏案

陸長慶蒙城人衛千總殺賊陣亡於同治十一年

歸銀世襲雲騎尉

蒙城縣呈

重修安徽通志卷二百十六

人物志

忠節 十五

滁州

明吳得全椒人龍里守禦所千戶洪武三十年古州上婆洞蠻作亂得與鎮守將井孚守城賊燒門急攻二人開門奮擊得中毒弩死贈指揮僉事子孫世襲

明史本傳

譚淵清流人嗣父職爲燕山右護衛副千戶燕兵起累功進都指揮同知夾河之戰南軍陣動塵起淵遽前搏戰馬蹶被殺燕王甚悼惜之卽位後贈都指揮使追封崇安侯謚壯節立祠祀之子忠從入京師有功又以淵故封新甯伯

明史本傳

韓青全椒人永樂中從北征爲先鋒甚著戰績宣德中討平甘

延諸羌升都指揮僉事景泰初命守紫荆關也先猝至咸奔潰
青招得勁騎百餘諭以忠義縱兵突出交戰於升兒灣敵悉眾
來迎青爲流矢所中屹然不動敵圍之數重引刀自刎一統志

袁興全椒人官錢塘衛千戶從征雲南自請爲先鋒陷陣死褒

贈有差

明史濮英傳

方政全椒人襲濟陽衛千戶以靖難功屢遷都指揮僉事永樂
初從張輔平交趾進都督同知十六年嘉興州賊車縣之等叛
大破走之明年與都指揮師佑敗賊黎利于可葢冊擒僞將軍
阮簡立等斬鄭公証於同利仁宗卽位充參將與榮昌伯陳智
協同鎮守智暗懦無將略議多不協宣德閒削職論死尋以副
總兵備禦開平獨石言便宜四事皆報許復以總兵官鎮守松
潘叛番聽命述亡復業正統元年上言征調軍士不當減其月

糧墾地既許免稅不當復徵屯田歉收請量蠲免詔並允行進
右都督三年助沐晟討麓川奮擊敗之追斬三千餘級明年正
月進破思任發舊大寨追至空泥一軍皆沒贈威遠伯謚忠毅

明史稿
本傳

周賢滁州人景泰初累功至都指揮僉事天順中總兵官楊能
奏擢都督僉事檄賢與大軍會失期徵下獄尋以故官赴甯夏
隸定遠伯石彪寇二萬騎入安邊營彪率賢等擊之連戰皆捷
追至野老澗半坡墩寇大敗而賢追不已中流矢卒詔贈都督
同知賢初下吏自以不復用及得釋感激誓死竟如其志

明史
本傳

何洪全椒人襲世職爲成都前衛指揮使正統中從征麓川景
泰末從征天柱銅鼓皆有功遷都指揮使掌四川都司事與平
東苗憲宗卽位擢都督僉事留四川德陽人趙鐸反數陷城殺

將吏洪斬其將僧悟昇并擒其黨周文讓賊引去追至梓潼朱
家河乘勝陷陣後軍不繼爲賊所圍左右跳盪殺賊甚眾力竭
而死詔贈都督同知子祭葬子節襲都督指揮僉事明史本傳
方履泰全椒人南和侯瑛六世孫襲南和伯一元之子也京城
陷自刎死全椒縣志 卷一 墓 註明史未詳

國朝乾隆四十一年

賜諡節愍勝朝殉難諸臣錄

金吉卿字克修全椒人崇禎庚辰武進士官江西萬安守備行
都指揮事以功升贛州副都督從楊廷麟守贛闖家皆殉城死
惟一子日昇從麾下將李星五得突圍出全椒縣志 以上舊志
國朝汪廷燮字梅川全椒舉人湖北來鳳縣知縣粵匪薄武昌留省
防守城陷殉難

卹廕如例

全椒縣志以下新修

黃慶元滁州廩生咸豐三年率練禦髮賊於烏衣鎮力戰死又文生于湖胡宗熙蔣珮璋附生劉家訓文童張家訓俱殉難均於同治年

旌卹

滁州志

黃金榜全椒武生咸豐六年率練隨剿髮賊被害事聞

旌卹

全椒縣志

井春淮全椒文生咸豐六年同文生黃世杰武生劉桂林胡邦成從九品陳毓文監生井珩井純謝恭寬喻在鎔韋錫衡童生陳謨陳國楨均辦團堵禦髮賊與練丁井兆祥等五十四人均陣亡井珩全家殉難事聞

旌卹

如例全椒縣志

重修安徽通志

卷二百十六

人物志

忠節

三

滁州

陶毓恩滁州人直隸典史咸豐八年在籍帶勇禦賊陣亡又次
生馬玉圭夏平成文童祖培孫士韜俱是年殉難均於同治年

旌卹

滁州志

楊起棠滁州人八品軍功咸豐八年從吳棠在籍團練堵禦髮
逆與練丁蔡增金玉彭志貴等三十一人在滁境接仗殺賊陣
亡均於同治年

旌卹祀忠義祠

滁州志

胡宗融胡宗逮胡宗周俱滁州人咸豐八年全家殉難又程湘
程浚程洙兄弟三人文生金宗洙金桐金棠父子三人陶金堂
與妻子四人徐綱與妻子三人均各全家殉難

滁州志

余炯來安增生江蘇縣丞咸豐八年在籍團練陣亡

旌卹銀兩世襲雲騎尉

來安縣志

江澍泉全椒舉人知縣咸豐六年福濟檄辦滁全團練堵剿江浦竄賊八年髮逆犯全椒城陷死之事聞

旌卹

全椒縣志

程鎮全椒人從九品咸豐八年髮逆犯全椒城陷一門十六人殉難是年歲貢孫煌廩生朱亮弼文生郭恩熙郭寶基費濟清金式簪盛鑒武舉泗州汛千總吳繼思監生吳登書文童盛鑒章樹榮蘇學增醫官印延齡民人江爲燦井金鐸陳鳳儒李克發陳經邦王學詩秦三王文秀魏國才章增壽曹元江曹元海石如金岳廷桂岳增岳芝張文治方全發曹元潮林秀元李良清王之懷李春和徐履謙吳應仁石懷舉李士良柴國清岳安言李克成姜如蘭俱一門殉難均蒙

旌卹

專祠專坊又武生孫掬嘗帶圍擊賊城陷同母李氏絕食死

全椒縣志

重修安徽通志

卷二百十六

人物志

忠節

日

餘

州

兩江忠義錄

饒三元全椒人同兄軍功八品饒文藻帶練禦賊殺數十人均死之又軍功六品武生孫萬華練長孫椿俱督練禦賊同軍功八品王雪均死之

全椒縣志

王學成全椒人咸豐八年同子思益思禮率眾禦賊均受傷死又孫崙源同子殿芳孫傳緒石自盤同子和賓和暢和甲俱全家不屈死

全椒縣志

陳觀德陳觀禮陳觀志俱全椒人咸豐八年叔朝舉遇害兄弟三人奮勇殺賊陣亡已

旌

副

全椒縣志

趙連雲全椒人咸豐八年同趙大受趙大猷趙興海趙景順趙興華趙景堯趙景餘趙景標集眾擊賊各受傷陣亡已

旌祠坊

全椒縣志

楊藻全椒舉人咸豐八年城陷與子德培禦賊不屈死又貢生
汪讓汪諧汪杰廩生黃典五郭琦增生薛求程振鸞金賜卣朱
熙載附生李星河吳匯東時純熙張文華汪鑾印求印楷祁樹
人汪克祐彭樹聲朱澍宋國琛盛泗濱盛鳳城盛步階吳大本
韓寅楊汝舟程旺齡陶淪濮和于襄郭崇珂秦鉞吳金署童廣
颺童春楊姚文藻晉廷揚楊定文監生程喬年吳善廷滕攀聲
武生孫瀛王桂芳吳繼昌楊寶林孫殿魁俱殉難已

旌祠

全椒縣志

張維祺張維屏張維城俱來安文生咸豐八年城陷殉難
周捷來安武舉同武生李承豐周烈監生周培田李丹桂州同
銜章先疇從九品程尙如及團丁周啟明等十五人陣亡又廩

生嚴實樹增生陳樹棠附生林志青監生施文光林之蘭份生

張堯俱殉難分別

旌卹均入總祠總坊來安縣志

潘兆瑩來安文生同弟兆煜兆標等闔門殉難奏奉

旌卹專建祠坊又從九品王德齡朱錫朋文生周筱雲監生朱恩銘余

穀貽童生馮森侯國慶均一門殉難來安縣志

駱宗連來安人從九品同從九品王克仁甄漢卿文生王貫承

孫煥邵治監生王景福王福得駱宗仕張西傳張定邦先後團

練禦賊與練勇王淵等四十三人趙廷秀等十人均陣亡於

同治年

旌卹來安縣志

金嘉言滁州廩生成豐九年髮賊圍城嘉言赴明倫堂慟哭與

其姪文生延年及妻子等闔門十四人自盡先是有金嗣鍾者
與其子從九品宗泮文生廷鼈文童宗林暨家屬九人於八年
闔門殉難及是又有鮑觀濤者亦一家九人殉難均同治年

旌卹專建祠坊

滁州志

陳子芳滁州廩生咸豐九年在嘉山集帶勇禦賊身受七十餘
創酣戰而死又陸金蛟亦戰歿均於同治年

旌卹

滁州志

劉家鏞滁州文生咸豐初疊捐錢米集勇堵禦清流關九年遇
害又文生鄭廷蘭王世堯李如楫俱是年殉難均於同治年

旌卹

滁州志

張靜齋滁州人督帶團勇咸豐九年遇害

滁州志

金福鴻全椒文生咸豐九年從官軍守定遠以功保訓導城旋

陷殉難是年髮賊犯全椒從九品袁慶齡馮鶴齡文生江腹陳
大猷金蘭胡變武生楊三讓楊三益俞邦榮陳敬成監生楊汝
礪俱各殉難均

旌卹如例全椒縣志

金崧全椒文生軍功訓導咸豐十年亥甲三檄辦滁全團練遇

賊泥津被害世襲雲騎尉全椒縣志

童榮字戡門全椒文生咸豐十一年在壽州城死苗逆之難全椒縣志

縣志

吳澄清全椒人咸豐十一年髮賊竄境全家殉難又文生楊定

康楊三祝曹承毅武生楊藻軍功六品曹志誠監生石春和等

並殉難均蒙

旌卹祠總坊全椒縣志

孫寶書周沅俱全椒舉人俱絕粒殉難又文生郭琪孫葆仁江汝諧武生孫滄王潔陳繼賢孫濂源孫若曾均各殉難已

旌卹 全椒縣志

金元登全椒人咸豐十一年在含山圍室殉難 和州志

鄭官蘭 選舉表作觀調字賦梅陳登瀛字步蟾張錦江字鄧香俱滁州

歲貢均於咸豐年間殉難 滁州志

王有林滁州人從多隆阿剿賊陣亡又謝大勝從征湖北陣亡

均於同治三年

恩卹 滁州志

盧葆元滁州人山西曲沃縣巡檢同治初在任殉難奉

旨優卹 滁州志

許鵬飛全椒人衛千總同治元年捻匪犯境與文生劉東瀛監

生晉宗魯從九銜方基禦賊殉難

全椒縣志

蔣廷楨全椒人軍功守備同治三年在浙江湖州府追剿髮逆

陣亡

卹廕如例

全椒縣志

袁金壽守備劉士舉千總郭義奎把總俱全椒人同治六年從劉銘傳剿捻陣亡又守備晉開基從霆字營剿賊陣亡均於同

治六年

賜卹世襲雲騎尉

全椒縣志

冷逢春滁州人千總同治六年從征捻匪陣亡世襲雲騎尉

滁州志

馬正標滁州人藍翎外委同治六年從征捻匪在湖北黃陂之許家橋陣亡奉

旨優卹

滁州志

和州

宋蔣子春歷陽人隱居教授建炎初金兵至新塘見其執書容

儀秀整欲命以官子春怒罵被殺

宋史真格傳

陸有常歷陽人建炎初知臨淄縣抗敵而死事聞贈官廕子

江

通志

張邵字才彥烏江人登宣和三年上舍第建炎元年爲衢州司

刑曹事會詔求直言邵上書言有中原之形勢有東南之形勢

今縱未能遽爭中原宜都金陵以圖恢復金人南侵詔求可至

軍前者邵慨然請行假禮部尙書充通問使至濰州見撻懶命

邵拜邵曰監軍與邵爲南北朝從臣無相拜禮撻懶怒執送密

州囚於祚山砦明年又送於劉豫使用之邵見豫長揖猶稱殿

院責以君臣大義豫怒械置於獄豫知邵不屈復送金拘之燕山僧寺十三年和議成南歸升祕閣修撰主管佑神觀十九年知池州再奉祠卒子孝曾後亦以出使歿於金

宋史本傳

龔楫字齊道其先處州人祖原崇甯中謫居和州遂家焉楫懦如不勝衣建炎初聞金人陷郡縣憤恚不食念有以自見而不可得烏珠據和州築堡新塘楫率家僮與鄉里從者往襲之獲千戶二既而金兵大至楫麾其眾曰今日戰死亦足爲義士爲金人所獲猶挺劍刺其一人金人斃割之年二十二

宋史本傳

明楊興含山人少負勇略太祖初起興自巢來附以功爲管兵總管從征陳友諒戰死於鄱陽湖

含山縣志

宋眞和州人永樂中爲象山丞倭寇侵縣或勸其當避眞曰吾爲民牧民被寇吾將安歸與賊搏戰援絕死之一

統志浙江名宦

耿定和州人宣德中以薦歷官刑部郎中有能名出爲浙江參議正統十年處州盜起領兵剿捕率先督戰死於陣贈按察司

副使

一統志
明史張騏傳

鄧玉和州人正統初岳州衛指揮使平定楚滇有功後征統峒戰死事聞賜卹廕

湖南通志

馬如蛟字騰仲和州人天啟壬戌進士授山陰知縣有清操崇禎元年徵授御史劾罷魏黨徐紹吉張訥出按四川蜀中奸民悉以他人田產授勢家如蛟列上十事永革其弊以事落職八年論平安邦彥功復官未起流賊至傾資募士佐知州黎宏業固守兩戰皆捷會風雪大作守者皆潰賊遂入城率士巷戰力屈戰死兄鹽運司判官如蛟弟諸生如虹及家屬十四人皆死

詔贈太僕少卿官一子

明史張騏傳

國朝乾隆四十一年如蛟

賜諡忠節如虬如虹並

賜祀忠義祠勝朝殉節諸臣錄

曾高禁和州人與衛守備張嶺並以禦寇戰歿於

國朝道光十七年奉

旨建坊祀忠義祠含山義行志徐繼畲傳 新增

魯一惠和州人官把總獻賊陷城角巾儒服赴城東池水死妻

王氏從之弟一連原任崇仁主簿子可為諸生守陣被執均不

屈死又歲貢生魯一桂分守小西門同五子一孫及子婦女孩

赴水死拔貢生魯一璠率子女孀嫂妾媵二十餘人亦赴水死

原任上海訓導魯國俊同母劉俱被害和州志增修按州志一惠無官加總文

張元楨和州人官鴻臚寺序班獻賊攻城分守北門城陷被殺

子宏門諸生伏父尸痛哭躍入水死時同州諸生陳問世以術
母見殺陶應昌陶應廣兄弟扶九十一齡老母魯氏投水死趙
世光抱母投水死姚承舜母萬氏自誓死承舜遂負母投於塘
舉家相隨死者十餘人

江南通志

王良翰和州耆賓獻賊陷城遇賊大罵被害妻魯氏投水死弟
婦耿氏及一妹一女四媳並從之死同州楊鳳墀朱鶴齡成建
中李寅陽郝萬秋馬文舉

一作文舉

王之節盛唐盛美並不屈死鳳

輝闔門殉節

江南通志和州志

國朝乾隆四十一年自魯一惠以下並

賜祀忠義祠

勝朝殉節諸臣錄

劉芳遠字芝南含山歲貢投嘉定訓導闖賊陷京師聞變哀憤
訣其家人整衣冠北向拜坐明倫堂自刎死吳人士醵金斂之

江南通志
含山縣志

俞應登含山貢生任壽州訓導卽墨縣教諭獻賊破含山時應
登家居屬賊不屈而死

江南通志
含山縣志

張業純字不二含山諸生聞明亡絕粒累以無益勸之答曰不
過自盡其心耳遂餓死妻劉氏悲痛亦勺水不進旬有六日死

一統
志

徐正大字南征聞明亡作書寄友託以老母卽自縊死

江南通志
含山縣志

山縣
志

國朝乾隆四十一年並

賜祀忠義祠

勝朝殉節
諸臣錄

胡希乾含山廩生獻賊陷含遇寇於華山賊以刃脅其腕罵曰
死則死耳我豈向汝屈膝者遂遇害

含山縣志
以上舊志

戴重字敬夫和州諸生宏光時廉州推官戰湖州矢洞胸死

成仁錄 歷陽 典錄補 新增

國朝晏宗望字秋水含山舉人官山西垣曲知縣有政聲咸豐三

年髮逆竄太行犯垣曲城陷死之廕雲騎尉

含山縣志 以下新修

吳從榮含山人咸豐三年練勇禦髮賊被害

含山縣志

陳桀字方生和州陳廷桂之子候選直隸州知州咸豐四年率

鄉團堵剿髮賊受傷死

和州志

王本宗和州貢生僑居含山倡捐團練咸豐四年含山陷受傷

死

和州志

王淮生和州文生馬長庚和州武生咸豐四年率鄉團禦賊香

泉鎮俱陣亡又練長汪吉生楊友章歐酒司在鎮北東嶽廟禦

賊張承揚在城舉賊旗均被害

和州志

俞昌源含山附生襄辦團練咸豐四年禦髮賊死之底雲騎尉

含山

縣志

李泰臨字壽堂含山人以助賑議敘入品咸豐四年含山城陷

泰臨毀家募勇助官軍收復縣城率勇守昭關十一年在霍邱

集勇溯流擊賊而西力竭投水死祀昭忠祠世襲雲騎尉

含山縣志

並采李氏家傳

劉元慶和州舉人咸豐五年全家四口殉難

和州志

王士美和州人以千總隨張光第駐香泉鎮咸豐五年髮賊撲

營士美殺數十人陣亡又練丁胡三等禦賊於石橋陣亡

和州志

秦臻和州人積功保千總咸豐六年在巢縣之東關陣亡

恩卹銀兩世襲雲騎尉

和州志

吳尙乘含山人從宿軍守昭關咸豐六年髮賊由銅城關來襲

營陷死之

含山縣志

宣兆瑚含山人咸豐七年同弟兆瑩集團禦髮賊均死之

含山縣志

魏廷拔和州武舉帶練隨官軍克復駐馬河及含山縣城咸豐

七年在六安州陣亡

和州志

周永年和州人遊兵營哨官咸豐七年同監生熊廷燮武生張

國士兵丁周公義陳大文汪三勇張大在昭關禦賊陣亡

和州志

劉夢奇和州人同弟文生騰蛟爲練長咸豐七年率練禦髮賊

受傷死

和州志

張汝蘭和州舉人咸豐八年從軍江蘇金壇縣殉難一子二孫

及家屬閤門死之

和州志

王禮門全兆奎俱和州人咸豐八年率練拒賊南門受傷死

和州志

朱相春含山人襄辦團練撰章程十條積勞保六品銜咸豐八年九月助守仙蹤鎮髮逆屠至與邵可榮邵可禮邵宗明蕭國林均力戰死字安邦在蘇家堡禦賊陣亡

含山縣志
兩江忠義錄

嚴春甲字杏圃含山增生咸豐初髮賊據縣城春甲集團隨官軍復城保訓導同在籍江西按知事胡書禾屯守昭關書禾拌於銅城關勞憤嘔血死八年髮逆自三河駛至昭關營陷死之均廕雲騎尉春甲子壽勳從征金陵九年三月營潰死

含山縣志

戈勝祥本姓過含山人從征皖南積功至游擊轉戰黃池灣涖涇旌聞皆斬獲過當從朱景山守竹塘髮賊大股圍七十餘日糧盡援絕營陷陣亡

含山縣志

黃履謙含山文童咸豐九年與妻子全家殉難

含山縣志

王夢筠和州增生保從九品鳳陽被圍赴臨淮求救遇苗逆死

之和州志

王鼎元和州監生同子鑄成錦成倡辦團練堵禦斗峴山口咸豐九年髮賊竄至均陣亡又朱萃聚武童李家丞擊賊力竭死

和州志

陳康和州人理問僑居江蘇宜興咸豐九年一門九人殉髮逆之難其弟焞先一年死難和州志

夏球和州文生咸豐九年賊再竄州城偕妻子闔門不食死和州志

盈孔彰和州練丁咸豐十年在含山北門死難和州志

王學成和州文生咸豐十年從軍懷遠被傷死是年仇如堂在

和州團練禦捻死和州志

李義和州廩生督辦團練屢隨張光第剿賊咸豐十一年遇捻

賊不屈死是年耿壽先耿文禮戚緒昭陳建高李朝相李朝俊
李朝松李廷鍾李義隆劉忠和劉承興姚學珍黃家發朱家發
陳宗和俱以團練助水師剿賊屢戰死之

和州志

張其裕和州人投水師營効力咸豐十一年偵探雍溪賊營被
獲不屈死

和州志

祝開書和州人僑居江甯湖熟鎮辦理難民局全家殉難

和州志

宮德廣含山人同治元年髮賊由九狀州竄含山德廣與宮天
衡宮德餘宮之倉官臨元官學壯官學餘宮學金宮有彩禦賊
力戰陣亡又張新盤錢懷松在李家渡殺賊陣亡

含山縣志

張光瑩含山文生與兄變弟堅嘗殺賊數十人同治元年光瑩

被執不屈死之

含山縣志

劉惟儉和州人集眾千餘人直攻賊壘中礮死事平鄉人立木

主祀之 和州志

張九奎含山人父夢蛟官湖北知縣有治績九奎奉父命從黃翼升剿賊以功保縣丞同治二年由海道進征常熟在福山鎮舟覆而死蒙

恩卹銀兩世襲雲騎尉 含山縣志

鮑能勝和州人舊縣汛外委同治四年帶兵緝匪死之

贈千總銜世襲雲騎尉 和州志

劉瑞顧大興董大甲繆廷芳童加宜巫之書俱和州人均各一門殉難又監生蕭兆桂與妻子闔門不食死 和州志

何宗喜含山人都司與守備王文貴千總劉長發丁起江把總張才勳馮維庚均從劉銘傳剿捻湖北陣亡 含山縣志

廣德州

宋王儔廣德人大觀進士建炎時以通判眞州權通判廣德軍三年杜充以建康降金其將戚方擁眾叛自鎮江趨宣城道過廣德入其邪儔不屈與權判官李唐俊權司法潘偶權知廣德縣韋績權丞蔣夔皆死贈儔二官唐俊等皆京秩錄其家一人

宋史本傳

按宋史不言儔等爲何縣人據江南通志選舉門載儔大觀進士李唐俊重和進士潘偶政和進士皆廣德人廣德萬厯舊志則云唐俊宜和進士偶重和進士要其爲廣德人無疑也至韋績蔣夔則不可攷矣

王汝翼建平人知廣德縣德祐元年元兵入廣德汝翼與寓居官趙時晦率義兵戰斗山路分孟唐老與其二子皆死汝翼被執至建康死之

宋史恭宗紀

明姚恕建平人洪武甲子舉人知杞縣歷官至江西按察使靖

難兵起宣城陳尙書迪不屈死恕迪壻也亦從死

廣德州志

姚善富字惠菴建平人由明經入太學叔父恕被戮善富自經

死詔陳屍御史廊下不許收斂妻王氏三伏闕上疏乃允歸殯

國朝乾隆二十三年祀善富於忠義祠

廣德州志

蔡允元字牧卿廣德州人南贛參軍汝蘭子也官指揮嘉靖四

十三年南韶賊起允元與守備賀鐸被執死之

明史世宗紀
廣德州志

蔡啟元字純卿汝蘭兄子從汝蘭擊倭官千夫長嘉靖三十八

年禦賊於奉化江口啟元奮勇而前手殺數人馬陷泥淖中爲

賊刺死

甯波府志
廣德州志

夏魁陽字宿甫建平人以明經訓導奉化遷武義教諭攝浦江

縣事賊許都陷義烏及浦江登陣守禦凡六晝夜城破不屈死

之一統志

國朝乾隆四十一年

賜諡烈愍

勝朝殉節諸臣錄以上舊志

夏濟川建平廩生咸豐六年粵逆竄建平濟川率團助剿陣亡

事聞

旌卹

建平縣志以下新修

王國煩字珠厓廣德拔貢咸豐十年州城陷一門殉難是年監

生陳鳳云庠生呂銘蔣大中戈椿芳民人董開元俱一門殉難

廣德州志

王茂榮葛廷魁洪鎮虎俱廣德外委咸豐十年帶兵剿賊陣亡

是年在籍徽州營把總鄂奏功保舉都司徐明全均陣亡

廣德州志

濮陽嘉廣德庠生舉孝廉方正咸豐十年殉難

贈知州銜廕子入監是年文生濮陽王濮陽庸濮陽甄監生王大益均以殉難蒙

贈鹽知事銜廕子入監又監生濮陽燦武生奚鈞俱督團剿賊陣亡歲

貢王國璠李承彝文生陳理董書施澧監生陳錫隣陳士俊王

國昭王大謙濮陽世榮民人董發宗均死之

廣德州志

董發權廣德人咸豐十年在篁竹堡率孫銀根協團剿賊均陣

亡又董開澄祖孫三人費慎言陳淦呂宣等父子陳廷魁丁映

辰丁儒德等兄弟均各同時殉難

廣德州志

方家舉建平歲貢署青陽訓導在籍辦軍餉局咸豐十年同知

縣何豫綸辦防堵城陷與同局增生潘坊監生韓錦堂均死之

家舉之子附生殿璽殿鼎暨一家十餘口均殉難同時從九品

楊增棻亦一門殉難又石文來石章富石華富均死之時稱石

氏三義士

建平縣志

呂廷楫建平貢生在定埠辦團咸豐十年團潰赴廣德請援七月州城陷死之是年楊永照亦帶勇陣亡

建平縣志

包步雲廣德廩生咸豐十一年同附生王振綱陳均陳潤監生張和龔陳述舜民人陳延景團練防堵廣德之小南鄉均剿賊陣亡是年同知銜戈定督團剿賊廣德之西城陣亡文生耿燕包步青均死之又湯太生亦率團禦賊被害

廣德州志
兩江忠義錄

方承恩建平人以孝義聞道光閒出聚賑荒咸豐閒捐助軍餉給軍功八品同治元年賊鼠建平閭門殉難是年方大沛同子文生振鵬等亦一門殉難又宗法根剿賊陣亡

建平縣志

鄂上植廣德人在南鄉練勇數千協團堵剿兩載同治二年力

戰陣亡

廣德州志